

OMUKWETU

No 6

MALITSA

1966

OVALUMENHU 5,000 TAVA KUTIFWA

JOH. 6: 1-15.



Kutha oomboloto dhoye u dhi gandje ku Jesus. Kutha oo-hi dhoye ntano ndho, dhi gandja ku Jesus e dhi longithe. Odho otadhi ka tana ashike, peha lyo-ku dhi ndalapatela.

Jesus a kutifa ovalumenhu 5,000 nomingome nhano neeshi mbali. Ndelene otekisti ei tai tu pe omadiladilo atatu.


Tete, Omwene Jesus okwa hala okulongifa osho u kwete (emona loye). Ote shi ningi, shaashi oku wete eengudu dinene tadi uya kuye, nde a hala oku di yakula. Eengudu dinene dova-

yelele, eehepele, ovanashilonga nosho tuu. Yandja osho u kwete kuYe e shi longife. Itashi hepa, otashi hapupala. Diladila oimbale 12. Epuniko alike tali monika.

Lutivali, oshilonga eshi otashi tu pe ouyelele, tu itavele kutya, Jesus ita nyengwa okuhupifa oonyuni ou, e u yandjela olutu laye nomwenyo waye.

Lineekela Omwene, shapo okuninga ino mu itavela, (Heb. 7: 25).

Lutitatu, pamwe owa hala okuninga Jesus ohamba? Oye ita hokwa ovo tave mu kalele omolwouwa wounyuni ou. Osheshi ava tave lineekele Kalunga na Jesus mounyuni omu amuke, ovo "omapongoelela." Ino kala na Jesus panyuni, ota di po pwove.



Malitsa 1966

EHILULULA KOMBINGA YAA-NYENGE

Ehilulula kombinga yaanamagumbo olya pindja ngashingeyi. Pokati komusamane nomukulukadhi ope nehilathano enene methimbo ndika.

Omulumentu e li moondjokana a ningi okamba. Oha thigi po omukadhi megumbo, eta ka kala kokamba mokungeshefa kwe. Hwiya ta opalelwa kaakiintu yalwe. Mbeyaka otaa yehe ihe nawa, ye vule gwe gwokeembo.

Tape ya ihe ehilathano pokati ke nomukulukadhi gwe gwokegumbo. Tape ya ihe ehilulula pokati kaa ngu gwokegumbo naa mbaka yokokamba. Aakiintu aahokanwa oyendji osho taa ningi wo, ongele mookamba mOwambo, nenge mUushimba sho a ka pashiyona. Oti iningi kee na mwene nani kOwambo okwa hokanwa kongerki.

Tu kotokeni oshiponga sho, ehilulula ndyo!

AAKONGINDJILA AAKADHONA MOWAMBO

Oya gongala 22.2.1966 lwotango mOnandjokwe, mewiliko Iya meme Raija Salmi, opo ya dhike ongundu yawo.

Omutameki gukongindjila mu-yuni auhe oye omusamane Robert Baden-Powell, cmwingilisa, ihe a dhiki ongundu yotango yaakongindjila mu

Afrika. Omusamane ngoka a mana nokuli oondjenda dhe nale, omumvo 1941, a li e noomvula 83. Omukulukadhi opo e li natango. Na tse otwa gongala esiku lyevalo lye 22. 2, uuna a gwanitha omimvo 76. Osho aakongindjila aakadhona aawambo ye na etameko lyehistori lyawo nokuli.



*Ongundu ompe yaakongindjila mOnandjokwe.
Konima otu wete oomeme L. Kivela,
R. Salmi na K. Pakkala.*



*Mboka ye li mefano ndika oyo aakongindjila
yomu Johannesburg.*

OmuHongi Pauli Laukkanen, Ombeletanga, a tameka uukongindjila mokati kaamati aawambo mUukwanyama kEngela, ihe oya hepa, sho kaye na unene omuwiliki gwawo. Oyo ya gongala omimvo miigongi yawo nomoontanda dhawo. Osho wo twa hala okuninga naakadhona. Ngashingeyi opwa tamekwa manga ongundu yaawiliki, opo komeho taa vulu okutameka oongundu dhawo dhaakadhona.

Oongundu dha tya ngaka tatu vulu oku dhi luka uutanga, opo ehanganano ndika pokati kuutanga li kale etanga.

Mefano otamu mono ongundu ndjoka yaatamekithi.

Komeho ngele tatu mono etameko ewanawa, otatu mu hokololele iilonga yetu.

L. K.

ETHIGATHANO LYOMAGONGALO MONGALO YOKU ETIOPIA:

Otandi inekele owa tegelele ethimbo ele oku uva ethigathano lyomagongalo mongalo yoku Etiopia, ndyoka lya li lya fanekwa komumbisofi gwetu. Ngashingeyi otali landula mpaka: Ondjila oya pula komutumwa gumwe R380. 33. Ayehe kumwe yane R380. 33x4=R1521. 22.

Ondonga	Uukwanyama	Uuninginino	Okavango
Oniipa R13.88	Ondobe R19.88	Okahao R106.31	Kuring-Kuru R2. 60
Omuntele R12.52	Onguediva R13.00	Nakayale R 57.77	Rupala R1. 45
Oshigambo R 9.36	Engela R10.70	Etilyasa R 47.47	Mpungu R1. 26
Okaku R 8.93	Endola R10.60	Elim R 22.22	Mupini R1. 26
Onguta R 3.49	Okalongo R 5.29	Tshandi R 21.88	Kumwe R6. 57
Ontananga R 2.89	Kongo R 4.13	Onangalo R 12.57	
Olukonda R 2.59	Ongenga R 4.08	Onaanda R 4.12	MUushimba:
Onayena R 2.47	Omundaungilo R 2.50	Oniimwandi R 2.10	Windhoek R115.31
Oshitayi R 2.34	Eenhana R 2. 3	Onesi R 1.85	C.D.M. R 46.65
Eheke R 1.70	Ohalushu R 1.90	Kumwe R280.41	Okahandja R 11.33
Onyaanya R 1.34	Edundja R 1.23		Otjiwarongo R 7.18
Okankolo R 1.11	Okatope R 0.93		Omaruru R 5.50
Kumwe R60.92	Olupandu R 0.54		Outjo R 5.06
	R76. 91		R191.03

Tashi ti, paitayingerki:	Oshitayingerki shUuninginino	R280.41
	Aamati yomehalakano Windhoek	R191.03
	Oshitayingerki shUukwanyama	R 76.91
	Oshitayingerki shOndonga	R 60.92
	Oshitayingerki shOkavango	R 6.57
	Kumwe	R615.84

Pamagongalo:	Aamati yomu Windhoek	R115.31
	Egongalo lyotango mUuninginino, Okahao	R106.31
	Egongalo lyotango mUukwanyama, Ondobe	R 19.88
	Egongalo lyotango mOndonga, Oniipa	R 13.88
	Egongalo lyotango mOkavango, Kuring-Kuru	R 2.60

Tatu mu pandula amuhe sho mwa kondjo shili. Kalunga ne mu yambeke. Ethigathano lyoongalo adhihe otali ka landula ko komeho.

M. N̄gipandulua.

OSHIPONGA MOKWIPANGA KOMAGUMBO

Otse aawambo otwa kumagidhwa olwindji, twaa pange nenge twaa ipangithe komagumbo niigwanga opo ihe konima tatu yi koshipangelo.

Oshiponga osha za mpa: Tala, meme nenge kuku, ino hupila we omumwoye. Ondi uvite unene ohenda, sho omukulukadhi to eta okanona koshipangelo we ka hupila, ihe mokupulwa oto holeke naa-naa nokupatana thilu. Sho to mono uuvu wa geya, opo to holola. Itashi kwatha sha. Elandulo eso ashike, omolu omiti sho tadhi ka kondja niigwanga.

Ano meme nenge kuku, kotoka waa ete omumwoye we mu hupila koshipangelo.

Rakel Kaukungua.

OMUFITAONGALO SHILONGO

Omufitaongalo Metusalem Shilongo, ou a li ku Oranjemund, okwa dja ko paife nophonhele yaye kOlange pwa ya omufitaongalo Herman Shongolo.

Omushamane Shilongo ota kala nokafudo mOwambo nopo ta ka ya neumbo laye ku Walvis Bay, oko ta ka longa. Shilongo okwa yakula efimbo lile ovamati vongerki yetu ku Oranjemund. Hatu mu halele ouwa.

OMUZALO GWOPAUSITA

Mombelewa yongerki pOniipa, otamu monika ngashingeyi okandholo nothingo yuusita. Omusita ngoka to pumbwa mbika, tuma embestelo lyoye kombelewa yongerki kOniipa, onando oyo: Okandholo R5. 85

Othingo R0. 65

M. N̄gipandulua.

ONGALO YOSHIYAHA SHESHASHO

Ovamati vohitte ovakriste, ova umba ongalo, va hala oshiyaha sheshasho, shi va yakule mongerki yavo oyo i li mokomboni. Ongalo oya wa R5. 20 1/2. Omwene ne mu yambeke.

Malakia Hauuanga.

OTWA PUMBWA OMULONGI

Otwa hala omulongi goskola e ye ku tse, e tu kwathe okulonga aana peha lyomulongi Titus Shipandeni. Titus okwe tu laleke esiku 21/2/66 kutya, pehulilo lyoshikako shika ota piti. Otatu indile, ngoka e nehalo e ye e tu kwathe.

Okomitee,
Oshikondiilongo,
Okaku.

KUKU JOHANNA RAUTANEN (NAKAMBALE)



Kuku Johanna Rautanen.


Sho kwa imbwa tango eimbilo 227, omusitagongalo Efraim Angula a ningi epopitho. Oye a uvitha pamadhiladhilo gomuyapostoli Paulus sho kwi ipopi ngeyi: Oshoka omwenyo gwandje oKristus, nokusa okwo elikolo. Ano te thiminikwa koombinga mbali, onda hala okuya ko ndi ka kale pu Kristus, oshoka osho sho opalela ndje shi vule oshikwawo. —Omwenyo gwandje oKristus, osho aantu ya Kalunga taa hempulula. Osho elalakano lyomukriste wo. Elalakano lye, a wape okutya: ondi nomwenyo, ha ngame, ihe Kristus e nomwenyo mu ngame. Ha ngame, ihe KRISTUS. Mokukala kwa tya ngaaka tamu zi ohole. Ohole ngele tayi pangele mokukala kwetu, nena tashi ti: okuhola nokulongela Kristus mooyakwetu. Osho tatu lalakanene okuhola nokulongela Kristus sigo ta mono olupe mutse. ———Kuku nguka Nakambale a mono ohenda ndjoka okulongela nokukalela ooyakwawo. Mokuhola nomokulongela omwenyo gwetu gu li mu Kristus. Kuku a li omuwambolela. Oye a li e nomathimbo gokulonga nomathimbo gokugalikana, omathimbo goluhodhi nomathimbo genyanyu. Omutima gu udha ohole, ihe gwa mwena ngashingeyi. Ihe shoka sha gwani-thwa wo: okusa okwo elikolo. Omwenyo gwa sindi eso. ———Otse otu nompito okulongelathana sigo Kristus ta mono olupe mu tse.

Ongula esiku eti-24 mu Febulwali, iihauto yu uka kOlukonda ya landulathana. Oye ya ya laleke Kuku Johanna Nakambale, a vululukwe manga. Aatumwa konyala ayehe ya gongala naawambo oyendji, unene komagongalo gomOndonga. Oshiketha shomudhimba sha humbatwa kaalumentu aatumwa nosha langekwa mombila molugumbo lwooNakambale, moka egumbo lya Martin Rautanen lya lala. Omumbisofi naasitagongalo ya heyaali ya landula oshiketha.



Aatumwa naasitagongalo aawambo oya humbata oshiketha shomudhimba okuza mongerki nokuya komawendo. Omumbisofi Auala naasitagongalo ya landula oshiketha.

Oongala odhindjidhindji dha siikile ombila ya kuku nodha ulukile, nkene a hokiwa kaawambo nokaaSoomi nohaa kala nokudhimbulukwa nondjuulukwe kuku gwawo.




Mpaka mefano omolugumbo lwooNakambale otu wete emanya lyombila ya Dr. M. Rautanen. Aangumbo lye ya fumvikwa mpoka ya landulathana.

Opwa imbwa eimbilo 228 naasi-tagongalo aayakuli ya lesa omatum-bulo omawanawa mOmbimbeli. Omukwaniilwa Martin ina mona ompito okuya kombila, a li a tuma ekundo lye.

Konima yeimbilo lye hambelelo o-mumbisofi okwa eta oshipopiwa she: Otu noshituthi shenyanyu noshehambelelo. Kalunga a ithana Kuku kevulukulo lye, a li e li yuulukwa ethimbo ele. Otu na wo oshituthi shehistori lyongerki, tu dhimbulukwe, Kalunga nke-ne a longo iinima iinene mevi ndika. Kuku Johanna a valwa omumvo 1883. Aawambo 10 ya shashwa omumvo tuu nguyaka. Kuku a gwanitha omimvo 83, nosho wo ongerki yetu ya kala omimvo 83. Esilohenda lya Kalunga lya kokitha ongerki yetu.

Kombinga yaatumwa Märta von Schantz a eta ekundo lye. Unene oye a dhiladhila iinima iyaali, e yi mono mu Kuku Johanna: 1) Ohole ye a li e hole aanona, aatumwa aagundjuka naawambo. Oye a li a hokwa okupulakena uudhigu wawo niinima yawo ayihe. 2) Eyemato inali monika nande muye. Nando a kala muuwike, a hekeleka aluhe kenyanu tali zi mu Jesus Kristus.

Oshituthi osha tsikile natango kO-nandjokwe, moka aayenda ayehe ya talalekwa niipalutha yokolutu wo, i-he unene yokomwenyo. Momauvitho nomiipopiwa ayihe mwa hololwa, nke-ne Kuku Johanna a li omuntu, a longele Kalunga maantu nonkene uudhiginini wa Kalunga we mu thindikile sigo muukwaluhe.



Kuku Johanna okwa li e hole okulesha Ombimbeli.

OVAMWAMEME, KALENI MOKU TU ILIKANENA

1 Tess. 5: 25.

Ovaleshi vOmukwetu, nandi twiki le oku mu ulikila natango umwe ou ta longo mehalakano. Oye o mwevangeliste **Johannes Hishoono, Posbus 18, Tsumeb.** Oye okwa dalwa muAngola, mOshilao momudo 1918. Okwa shashelwa nokwa kolekelwa mOhalushu. Mofikola yovamati mOnguediva tate Hishono a pita mo momudo 1941 nokwa twikila menongelolovayakuli ongallo



Ev. J. Hishoono.

1952. Momudo 1954 a yapulilwa moshilonga showevangeliste. Tete a longa eehani dimwe meongalo lokOhalushu nopo nee a ifanwa a longe mehalakano muTsumeb momudo 1955. Ta ka wanifa neudo eedula omulongo nokuli mOushimba. **OHATU MU HALELE EPUNIKO LOMWENE MOSHILONGA SHAYE.**

Tate Johannes Hishoono e noupu-na muhapu meumbo, shashi e nounona omulongo. Omadina avo amwe oo: Ondahambelela Rosalia, Jesaja, Hanna, Petrus, Maria, Magnaimi, Jeremia na Joel. Rosalia oku li mOkahandja mu Augustineum mokulihumifa komesho. Omukulukadi womwevangeliste Hishoon oye Lusia. Eshi hatu va ilikanene, tu dimbulukweni unene meme Lusia. Ndi udite, e noilonga ihapu. Tete ta filoshisho onunona ve fike apa nosho yo e nokukwafa omushamane waye moshilonga shaye shidjuu. Omwene ne mu kwafe shili.

Tate Hishoono oshilonga shaye osho tuu osho unene okulonga mokomboni yokuTsumeb, omo mu na ovashamane novamati vahapu. Nosho yo e nokutalela po ovashamane novamati ovo tava longo meefalama. Paife ndi shii, eshi eongalo laTsumeb li na omufita omuwambo, tate Malakia Huanganga, tava longele kumwe. Hatu pandula Kalunga, shashi oye ita efa omuyakuli waye a longe hamakasha, ndelene te mu pe eenghono, eendunge nohole keshe fiku.

Jesus Kristus Oye Omwene.

Mbeletanga.

OTO KA KALA NA LYE?

Esiku limwe otwa li pohungi tatu imbi omaimbilo megumbo limwe, ngame onda li omunona nokuli gwomvula 14 lwaá mpo.

Omukulupe gumwe okwa ti: Andola ngashi ndi li ngeyi naamwandje atuhe, andola tu ka kale pwamwe megulu, kwaa kale nando ogumwe keehe po, enyanu oli thike peni mbela?

Omukulupe nguka okwa hala a ka kale noyana ayehe megulu. Ngoye owa hala u ka kale na lye? Onaamoye nenge onookume koye nenge onaakriste ayehe?

T. P. K. Ekongo.

TOPOKA NZIYA NUUKUUME WUULUNDE

Ino sa ohoni okuhokolola Omuwa Jesus apehe nokwiholola kutya, ongo-ye Omuna gwa Kalunga. Kala nuupenda okulesha kehe esiku Ombimbeli yoye, eto galikana. Kala nuupenda okuholoka kongerki nomiigongi. Kala nuupenda nonehalo ewaanawa okukwatha moshilonga shOmuwa.

Tameka ngashingeyi okulongela Kalunga moohapu, miilonga, moontumwafo nomomagalikano. Kambadhala okweeta ookuume pOmuwa.

Ester N. Ngaikukuete.



Ota ku monika mefano ndika okuza kolumoho aasitagongalo: M. Shilongo, pata Groenendyk, omuhongi gwokatolika a hiyilwa mefano, K. Dumeni na H. Shongolo.

OSHIPE KOLANGE

Oshitya shika "oshipe" onde shi luku omolwaasita yatatu aawambo yongerki yetu, mOlange. Otwa kala nayo omasiku.

Otwa kala nale noluhepo mOlange inatu mona aasita. Otatu hambelele Kalunga, sho a nengenitha omapangelo nompito yokufala aasita kOlange ya holoka.

Osho momumvo 1962 sigo Febuali 1966, otwa kala nomusita Metusalem Shilongo, e tu yakula nawa. Oye a tembukile ku Walvis Bay nopeha lye twa pewa omusita omupe tate Herman Shongolo, ngoka a etwa ko komusamane Kleopas Dumeni. Otwa na olupandu olunene, sho ongerki yetu tayi tu sile ngeyi oshimpuyu. Kalunga na hambelwe!

Andreas D. Bululu.

VO OTAVA DJUULUKWA OMBILI, OUYUKI NOUKUMWE

Ovawilikerki veengerki eenghwa-Lutheri dokuEuropa, otava shiivifa, ngeno ku kale ombili, ouyuki noukumwe. Eshi ove shi tonga patumwala olo va eta moivilo yavo yopashiwana momudo mupe wodula ei.

Omubishofi akula (aartsbiskop) Gunnar Hultgren wongerki ya Sweden, okwa londwela kutya, ovanhu ova taalela mokulinyonaunapo, onghe okwa londwela ovakriste va diinine

SHOKA KALUNGA E KU PUNGULILA, IHE SHI LI PO

Momukwetu gumwe gwomimvo dha piti, omwa li omapandulonkumwe getu yomu Oranjemund, sho twa pewa lwotango omusitagongalo omuwaambo. Pehulilo lyomumvo 1965 otwa kundana omusita gwetu ota tembudhila aniwa ku Walvis Bay. Otwa pulathana: "Oshike sha teya ongombe olwiinga ye omusita ka ha li nondhimbo"? Konima yomasiku kwa holoka onkundana, otwa fa tatu tuminwa ngaa gulwe natango. Eti 15. 2. 66 aalumentu yu uluka, oyo omusita gwetu omupe Herman Shongolo nomuthindikili gwe omusita gwaagundjuka K. Dumeni. "Kalunga ihe ku etha nga nyoko. Aakuluntu nani oye li ko ngaa taya dhiladhila" osho twa tumbula moku ya mona.


Osondaha yesiku 20. 2. 66, oya ningi josondaha yelalekathano lyegonga-

lo lyomu North nomusita Shilongo. Elongelokalunga olya ningwa mongerki pethimbo lyongula. Aasita ayehe yatatu ya thikama moshiyambelo momizalo dhawo dhuusita, noye tu ningile elongelokalunga melandulathano.

Mokutala ano ngeyi aasitagongalo aawambo yatatu nokuli, ye na ompito okuthikama megongalo lyomu Oranjemund, otu uvite atuhe oshili ndjika: "Shoka Kalunga e ku pungulila, ihe shi li po."

Ookuume mwa kala omimvo dhonale miilonga yomina ndjika, nootatekulu mwa tala nale oonkambadhala adhihe ngashi dha li po, kundweni, ne taleni ano efano ndika, opo tu tange ni nokuhambelela omaenditho ga Kalunga.

Filippus Auala.



Mefano otu wete aasita M. Shilongo, H. Shongolo, K. Dumeni. Puyo pwa thikama A. Bululu, omukuluntu gwoposa, F. Gabriel, omukuluntu gwegongalo. Yaali ya kuutumba oyo: G. Shipena, omukuluntu gwiipangelo na P. Amukuaja, omuhingi gwiihauto yaavu.



F. Auala.

novakendabale okukonga ombili nouyuki nemanguluko lomunhu keshe.

OMUBISHOFI MAY

Omubishofi Gerhard May, ou omutwe wongerki onghwaevangeli paLutheri yomuAugsburg muAustria, otwa yandje kovaprotestante ongomhango, va longekide okushakeneka eitalvelo lipe olo la etwa kongudu yomuVatikaan.

OITA YA KALA NALE NALE

Pavalulo lova Norway (Norway statistician), hali valulwa neshina, okwa monika kutya, meedula 5. 560 da pita, opa kala oita omapa 14, 531 momapupi 185 okukala kwovanhu. Fiyo onena ovanhu keembinga neembinga otava lu.

OUNYUNI OTAU TONGO SHIKE

TU KALENI TWA YOGOKA

Omulongwa mu Hoërskool mOshigambo, J. M. Kambanda, ota pululula aaleshi yOmukwetu kombinga yuuyogoki ta ti:

Tu kaleni noonguyo dha yela, dha yogoka nawa. Nadhi kale dha kangulwa wo nawa. Oongaku nadhi pushwe wo nolutu lwolwene nalu yogwe aluhe.

Uuyogoki mbuka otau pumbiwa kaantu ayehe, aakuluntu naagundjuka. Ngele wa nyata, aantu itaye ku hokwa. Inatu dhimbwa wo okuyogoka koomwenyo dhëtu.



J. M. Kambanda.

OMUSAMANE VERWOERD OTA KA TALELA PO SUIDWES

Dr. H. F. Verwoerd okwa uva-neka okutalela po Suidwes eti-15 Malitsa 1966. Okwa ti okwa hala okupopitha oshigongi oshinene mOvenduka. Aaministeli yiilonga yi ili noyi ili otaa ka popya wo pomahala galwe mu Suidwes.

Kakele komusamane Verwoerd, omusamane Jan de Klerk, oministeli yiinima yomeni, ote ke ya wo pamwe na ye. De Klerk ota ka popitha oshigongi membako. Esiku inali tseyika manga.

SUID AFRIKA OTALI KWATHA RHODESIA

Omuministeli gwotango gwa Suid Afrika, dr. Verwoerd, okwa tamekitha oshigongi shimwe oshinene sha gongala omasiku ngaka mu Johannesburg. Moshipopwiwa she, dr. Verwoerd okwa popya kutya, epangelo lya Suid Afrika otali tsikile natango okukwatha Rhodesia momaudhigu gasho. Shika sha popiwa moradio Suid-Afrika.

A DJA KO KOSHIPUNDI

Omupresidente wa Ghana, Kwame Nkrumah, okwa dja ko koshipundi mafiku za matalala. Okwa kufwa ko koshiwana shaye, she mu faukila ombadilila ine shi diladila.

Omushamane Nkrumah okwa hangika e li molweendo ta i keenghundafana dokumweneka omadipaafano mu Vietnam. Manga e li mondjila, nani oku koshilongo shaye ota pangelwa a dje koshipundi.

Okwa hangwa kelaka mondjila tali ti: koshipundi wa dja ko. Onghe oku a hangika ta i okwa alukila ashike mondjila, shaashi oinima ya de-daukila. Nkrumah okwa hombola omukainhu omuEgipiti. Nekulu laye okwa twalwa diva nodila ku Kairo, oko va shakena na mwene.

Nkrumah okwa li e na epangelo lombinga imwe aike (one party state) nde ovakwashiwana vaye ova kala ve shi uditile nai oule wefimbo lile.

Okwa kala a hala oye aeke a kale ta ti sha mu Ghana. Modula 1962 okwa shekuninwe ketenda, la li la lukilwa li mu yashele mongudu yovanhu. Fiku olo opa file ashike ova-Ghana 40 ye a hupa ina hangwa po. Onghe a kala a tanhwa ngaha fiyo osheshi ve mu shikopa ko paife koshipundi.

Omupopi weenghundana a popya kutya, inapa shiivika manga okukala kwa Ghurumah kwokomesho nhumbi taku ka kala. Opa hovelwa nokuli diva ehoololo la ou ta i ponhele yaye nde omupopi ina tumbula manga, o-lyelye ngeno a ya koshipundi.

IINIMA AYIHE TAI NINGWA NGASHINGEYI, OYA POPIWA MOMBIMBELI

BECHUANALAND

Eenghundana doku London mu Englanda, otadi ti: Omaudafano pokati ka Bechuanaland nepangelo la Englanda, otaa faneke kutya, Seretse Khama, oministeli yotete mu Bechuanaland, oye ta ka ninga opresidente, oshilongo shaye nge tashi mono elipangelo.

OVAINHAPO (REFUGEES) OVA HAPUPALA MOUNYUNI

Okomitee yovainhapo yomu Amerika, oya faneke kutya, ovainhapo mounyuni paife ova hapupala ve li po 2,000,000 mefimbo eli la pita paife. Ongudu ei otai ti kutya, ovanhu ve dule 9, 790, 000 otava endaenda vehe na omaumbo, ndele omolwita nga nomolwomaupolitika.

OMUSHAMANE ODENDAAL A FYA

Omushamane F. H. Odendaal, okwa fya fimbo va li tava li vo nomwalikadi waye. Sm. Odendaal okwa li ngoloneya wa Transvaal. Oye yo oshilyo shongudu inya ye ile mu Suidwes 1962, okutala nhumbi ovala, ule tava hupu notava tekulwa.

Oye a li a hoololwa omunashi-pundi wongudu oyo, onghee ongudu oya pewa edina laye- "Odendaal komissi."

Egumbo lya Itila (Hitler) otali landithwa po

Egumbo moka Itila a valelwa, li li mu Braunau, Austria, otali thigwa po nenge li landithwe po. Ooyene yalyo ngashingeyi osho ya tokola.

Ongulu moka Itila a valelwa, oyo ya ningwa po yosikola ngashingeyi. Pethimbo lyiita etungo ndyoka olya li lya ningwa po egumbo lyokudhimbulukila mo "Nazi" (etanga lya Hitler), ihe konima ya sho, mwene okwe li pe edhina epe Pommer, ano edhina lyezimo.

Etungo ndyoka nando li li moka-lando okashona, ohali hili aatalelipo oyendji komavi nomavi. Natango olya simana mondjokononahokololo.

OLUVADI LA ETA OSHIPONGA

Eenghundana da dja momukunda Onangubu, popepi neongalo Endola: Oluvadi la dipaa omunhu umwe. O-la kwata nokuhanauna oikombo 4 nomiti 4. Oiponga yomaluvadi oya monika paife luhapu medu eli lovawambo nopehele dimwe di lili yo.

ESHINA EPE LYOKUKONAKONA

Mofambilika yimwe mu Engeland omwa longwa okashina kokukonakona uuthelepuka nosho tuu uunima auhe mboka ihaashi vulika u monike nomeho.

Eshina ndyoka ohali lukwa "Star-ocean Electron Microscope", oshoka otali longitha otelevisio.

OMUPRESIDENTE JUNG

Omupresidente Etienne Jung, wongerki ya Alsace na Loarrine, ota ulike oinima itatu oyo: Omalwoodi mu Vietnam okwa tandavela, eengudu dinene otadi fi ondjala, ounyuni otau lunduluka neulumo na shihapu sho mokukalamwenyo tashi kana po.

Omuwiliki ota djuulukwa ombili yovashitwa aveshe.

ROBERT KENNEDY OKWA HALA OKUTALELA PO SUID - AFRIKA

Omusamane R. Kennedy, omuAmerika, omumwayina gwa nakusa John F. Kennedy, oku nedhiladhilo lyokutalela po Suid - Afrika numvo mu Mai.

Edhiladhilo ndika lyokuya nkuka, okwe li penduthilwa kehangano lyaa-longwa (NUSAS) ya Suid - Afrika. Oyo ye mu ithana, opo e ya popithe mu Kaapstad.

Okwa zimine oku shi ninga mu Kaapstad.

Inapu tseyika kutya, omusamane Kennedy okwa mona tuu ombapilazimino kepangelo lya Suid - Afrika. Eganjo lyombapila ndjoka otali kundathanwa ngashingeyi.

OMUMBISOFI ELIS G. GULIN OTA KA THIGA PO OSHILO- NGA SHE

Omumbisofi E. G. Gulin, ngoka a yapulile omumbisofi gwetu 1963 moshilonga she, okwa holola, ta ka thiga po oshilonga she moshitayi sha Tampere 1 Mai 1966. Oye ota ka tsakanitha oomvula 72 eti -29 Desemba 1966.

Opwa tseyithwa mombapila ye yelaleko komupresidente U. Kekkonen kutya, oshitayi nenge ombinga ya Tampere moka a longo okuza 1945, otayi ka ninga oshigongi shehogololo lyomulanduli gwe.

Omusamane Gulin okwa li a longo iilonga yomaludhi ogendji. Okwa li omupresidente gwEhangano lyaa-gundjuka aakriste (YMCA) okuza 1947 sigo 1953; okwa li omunashipundi gwongundu yEhangano lyuukumwe wa Soomi, amushanga gwEhangano lyaaailongi nopresidente natango gongundu yEhangano lyaaagundjuka aakriste aasoomi ayeke.

Aasoomi oyendji oye shi ku he-pulula Sm. Gulin, sho a kala ontopa kongerki niilonga yilwe. Dr. Gulin okwa gandja oshimpwiyu momalunduluko giinima yonkalomwenyo.

Sm. Gulin okwa valwa 1893 mu Mikkeli nokwi ilongo mu Universiteit ya Helsinki. Okwa adha M.A. na konima yoomvula heyali a ningi ndohotola yuuteologi. Okwa shunine ku Universiteit okuninga omuprofessori gwEtestamenti Epe, sigo a ningi omumbisofi.

Okwa yakula ishewe momahanganono, ngashi: ehanganono lyoongerki muunyuni auhe, mu Evanston 1954, New Delhi 1961, nEhangano lyaaakwaLutheri yomuuyuni auhe 1963 mu Helsinki.



N.S. Kondson, ou a
hala tu lande otelelina
Jesus.

ONGUNDUGAMENO YOMU V.V.O. YA HAKELE

Ongundugameno (Veiligheidsraad), oya hakele, sho ya li yi nokukundathana iita ya Vietnam. Edhiladhilo lya Amerika okufala oshinima sha Vietnam mongundugameno, oya pendutha oshipotha sha Rusland na Frankryk.

Dr. Nikolai Fedorenko, omutumwa gwa Rusland, okwa ti: Amerika oli nondjo, oshoka olya hala okuholola oluhindo.

Frankryk okwa fatula kutya, V.V.O. ina gwana pokuutha iinima ya Vietnam.

Engeland a panda edhiladhilo lya V.V.O. lyokufala onkundana ndjoka mongundugameno nokutala shoka shi shi kuningwa po.

Jason S. Akawa, Oranjemund, ota hambelele Kalunga, sho a hupithwa eti 14/12/65. Konyala a nyanyagulwa keshina enene, ngoka hatu ti "omapule." Eshina lye olya sitambwa nayi kekawo naye a hupila pokakololo kowala okashona. Ota ti "shipahu a za mombiga."

Stefanus Shau, ota popi ethimbo lyomuuyuni nkene tali endelele ta ti: Tu tseyeni kutya, ethimbo lyetu muunyuni oli li meutho lya Kalunga. Inatu kaleni ngashi twa hala tse yene. Olyo tali matuka ngefundja. Inatu li dani-theni. Uuyuni kau shi wetu. Okwa hulitha ta ti: Omuwa longandje okudhiladhila ehulilo lyandje nomasiku gandje mpoka ge thike, Eps.39:5.

OU NA TUU OTELELINA?

Keshe umwe paife okwa hala a djale oikutu oyo yeefei ya lukwa eetelelina. Unene ovanyasha ve udite nawa ngenge ve na oikutu yoludi olo.

Kaume kange, ngenge u na oikutu yeetelelina, u shi owa wana po wa pwa? Owa pumbwa sha natango. Ope na otelelina itai hulupo o Jesus Kristus. Ou i kwete tuu? Owe i djala tuu. Ngenge ku mu kwete natango, mu konga divadiva.

FINSE SENDINGDRUKKERY
ONIIPA
OVAMBOLAND